



Sabtu, 10 September 2022

Ogen: Lukas 14: 28-30



Erbahan Anggaran Biaya



Ibas bulan enda, erga bahan bakar minak (bbm) inaikkan pemerintah, nginget erga minak melambung tinggi i bas pasaran global. Kerna si e bujur nge nambahi kinilatihen ukurta kerina. I bas bulan-bulan si lepas pe erga minak goreng, ras pupuk ku juma pe nggo mulai naik. Si enda si tuhuna jadi perbeben man banta tambah ka ulih usaha ras ulih juma nari pe kurang. Selaku kita igelari homo economicus (manusia yang selalu memenuhi kebutuhan hidupnya untuk bertahan hidup), mehuli adi evaluasi kerna perencanaan ras anggaran rumah tangganta, ngidah kerna kenaikan erga-erga i bas kebutuhenta. Arah ogenta isingetken Jesus, adi lit kalak erbahan Menara, tentu ibahanna anggaren biayana guna meteh nta cukup kin duit e nta lang i bas ndungi menara e. Arus lit perkiraan si matang gelah ula kari lolo perencanaan e. Em si ertiken ku bas kepentaren. Jesus nuruh kita arus pentar, si tandai lebe ise kita ras siukuri lebe kengasupenta. Kalak si bage la meganjang rukur. Janah teptep erbahan perencanan e erpersukuten ras Dibata. La aru ateta nanangi kai si jadi sabap kita ngasup nguasai dirinta.

E maka i bas kenaikan erga BBM enda kita arus pentar ngaturken anggaran pemasuken ras anggaren belanja i bas jabuta. Istilah 'besar pasak dari pada tiang' arus si sirangi. Adi e si terjadi, maka peluang guna rutang terbuka. Reh buena utang, reh buena masalah. E maka pentarlah kita guna ngaturken anggaran rumah tangganta, umpamana bahanlah anggaran kebutuhan pokok si penting, ula kebutuhan guna jile-jile. Pangkas pengeluaran si la perlu. Ingetlah, kebutuhan beda ras keinginen. Janah evaluasilah pengeluarenta tiap mingguna, tiap bulanna guna jadi persiapenta guna bulan si reh.

 *Perlu komitmen i bas ndalamken perencan*